

Sarkina Bt Mat Saad @ Shaari

From: Unit Komunikasi Korporat
Sent: Sunday, October 14, 2018 9:14 AM
To: UUM - All Staff; UUM - All Students
Subject: UUM Terima Agihan Zakat Bank Islam RM55,000



Unit Komunikasi Korporat
CORPORATE COMMUNICATION UNIT
Universiti Utara Malaysia

14 OKTOBER 2018 / 05 SAFAR 1440H

=====

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

Oleh: Siti Fatimah Abdullah
Gambar oleh: Abdul Halim Husain

UUM TERIMA AGIHAN ZAKAT BANK ISLAM RM55,000



UUM ONLINE: Bank Islam Malaysia Berhad (BIMB) mengagihkan sumbangan zakat berjumlah RM55,000 kepada Universiti Utara Malaysia (UUM) bagi membantu meringankan beban pelajar yang memerlukan.

Sesi Penyerahan Cek Zakat disempurnakan oleh Pemangku Ketua Pegawai Eksekutif, BIMB, Mohd Muazzam Mohamed kepada Bendahari UUM, Amron Man yang mewakili Naib Canselor.

Menurut Mohd Muazzam, sumbangan zakat kepada pelajar UUM yang merencanakan pembangunan pendidikan adalah sebahagian aktiviti CSR BIMB yang memperuntukkan RM8 juta setiap tahun bagi tujuan tersebut.

"Kami ingin menerapkan prinsip Pengantaraan Berasaskan Nilai (VBI) yang menjadi sebahagian DNA kita seperti yang disarankan oleh Bank Negara Malaysia.

"Prinsip VBI ialah perniagaan yang dilakukan oleh *IslamicBbank* seperti Bank Islam yang bukan sekadar menumpukan patuh syariah tetapi mempunyai *value added*," katanya pada Majlis Penyerahan Cek Zakat Daripada Bank Islam Kepada UUM di Balai Tamu, baru-baru ini.

Mengulas lanjut asal penubuhan, Bank Islam satu-satunya bank yang menjalankan urus niaga berdasarkan prinsip syariah termasuk produk dan konsep kemudian semakin banyak *Islamic Bank* yang muncul.

“Orang muda mula bertanya apa bezanya bank Islamik dan bank konvensional dan yang membezakannya adalah roh itu sendiri, *the interm of purpose*.”

“Bank Islam fokus kepada *prosperity* dan ekosistem, maknanya kita tengok impak kepada masyarakat dan *environment*, apabila menjalankan perniagaan produk yang ditawarkan bukan sekadar memenuhi kehendak syariah tetapi juga mempunyai nilai tambah,” ucapnya.

Bank Islam komited menjadi sebuah institusi kewangan yang berdedikasi di samping membina masa depan mampan yang mempromosikan ekonomi terangkum dan kemajuan sosial untuk pihak berkepentingan pada masa yang sama menawarkan perkhidmatan berkualiti.

“Terima kasih bersama kami meneruskan kerjasama yang dirintis sejak 2005, program Unidebit yang dilancarkan di UUM merupakan program pertama Bank Islam dan diteruskan di IPTA lain.

“Sejak itu, kami terus melakukan beberapa inovasi dari segi mempromosikan konsep *cash transaction* di universiti menggunakan kad debit,” katanya.

Sementara itu Amron berkata, pelajar yang layak menerima bantuan zakat terdiri daripada muslim, pelajar UUM dan keluarga berpendapatan RM3,000 ke bawah.

“Kita memilih pelajar ini untuk membantu meringankan beban mereka terutamanya B40 dengan memberi kupon untuk membiayai makanan dan bukan dalam bentuk tunai dalam usaha mendidik mereka,” katanya.

Beliau bersyukur dengan kerjasama antara UUM dengan Bank Islam sejak 14 tahun lalu dari kaedah manual kepada elektronik apabila Bank Islam memperkenalkan *smart card* dan berurusan sehingga sekarang.

“Sejak 2005 kita selalu mendapat sumbangan zakat dari Bank Islam dan berharap kerjasama ini tidak terhad kepada zakat, sebaliknya lebih meluas memandangkan bajet terhadap universiti telah dikurangkan,” tambahnya.

Hadir sama, Ahli-ahli Jawatankuasa Pengurusan Universiti, Pegawai Kanan BIMB dan pegawai universiti.

DARIPADA:
UNIT KOMUNIKASI KORPORAT
UNIVERSITI UTARA MALAYSIA
04-928 3048/3049/3052/3061
04-928 3053
ukkuum@uum.edu.my
Universiti Utara Malaysia (Official FB)



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.